



Patreksfjörður 16.9.2020

Sendandi: Strandveiðifélagið Krókur – félag smábátæigenda í Barðastrandarsýslu

Umsögn um: Mál nr 175/2020. **Drög að frumvarpi um breytingu á lögum um stjórn fiskveiða, nr. 116/2006, með síðari breytingum (atvinnu- og byggðakvótar o.fl.)**

Tilraun ráðherra KþJ í þessu frumvarpi til að hverfa aftur til ólympískra veiða með skiptingu strandveiðipottsins milli landsvæða og skerðingu á heildarmagni í tonnum talið, sem ætlað er til strandveiða (yrði næsta sumar u.þ.b. 9700 tonn af þorski), er í hrópandi mótsögn við vilja mikils meirihluta strandveiðimanna skv. nýútkominni skýrslu Byggðastofnunar, um úttekt á núverandi strandveiðikerfi sem unnið var fyrir atvinnuveganefnd.

Að tryggja 48 daga og lengja strandveiðitímabilið er skýr vilji strandveiðisjómanna og í fullu samræmi við stefnu stjórnvalda að „umræddar aflaheimildir nýtist til að tryggja byggðafestu í landinu og nýliðun í greininni og ná jafnframt fram hámarksverðmætum þessara aflaheimilda“ en það dylst engum að verð fyrir strandveiðifisk er hátt og skila tekjur sér beint til byggðarlagana.

Stendur til að gæta jafnræðis og draga 8,1% af handhöfum aflaheimilda til að bregðast við óvæntum áföllum ? (5,3% pottinum er einmitt ætlað til að bregðast við áföllum skv. 8. gr laga 116/2006 og því alveg óskiljanlegt að ætla sér að taka 8,1% af þeim potti í sama tilgangi)

Og hvað á að bæta lengi handhöfum skel- og rækjubóta ??

Þá er með ólíkindum að ætla ónýttri línuívilnun til byggðakvóta sem m.a. er nýttur af togurum og girða þar fyrir að hægt sé að nýta þær til t.d. strandveiða !

Strandveiðifélagið Krókur hvetur þingmenn til að samþykkja ekki neinar tilraunir sitjandi sjávarútvegs- og landbúnaðarráðherra til lagabreytinga.

F.h. strandveiðifélagsins Króks

Einar Helgason, formaður